

Dissertatio medica inauguralis de malo hysterico ... / [Charles Richardson].

Contributors

Richardson, Charles.
University of Edinburgh.

Publication/Creation

Edinburgi : W. Ruddiman, J. Richardson, 1763.

Persistent URL

<https://wellcomecollection.org/works/h8skh5ds>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO MEDICA
INAUGURALIS,
DE
MALO HYSTERICO:

QUAM,

ANNUENTE SUMMO NUMINE,

Ex Auctoritate Reverendi admodum Viri,

GULIELMI ROBERTSON, D. D.

ACADEMIAE EDINBURGENAE PRAEFECTI,

NEC NON

*Amplissimi SENATUS ACADEMICI consensu,
Et nobilissimae FACULTATIS MEDICAE decreto;*

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS,
ERUDITORUM EXAMINI SUBJICIT

CAROLUS RICHARDSON, SCOTO-BRITANNUS.

Ad diem 21 Januarii, hora quarta post meridiem.

EDINBURGI:

Apud W. RUDDIMAN. J. RICHARDSON. et Socios.

M.DCC.LXIII.

ISSERTATIO MEDICA

IN AUGURALI

DE

HALO HYSTERICO

QUAM

AVVENTE SUMMO EXAMINE

IN ACADEMIA MEDICA

WILHELMI ROBERTSON, D.D.

ACADEMIAE EDINBURGENAE PRAEFECTI

RECITATIONE

IN ACADEMIA MEDICA

IN ACADEMIA MEDICA

PER GRADU DOCTORATU

IN ACADEMIA MEDICA

IN ACADEMIA MEDICA

IN ACADEMIA MEDICA

AVVENTE RICHARDSON, D.D.

AVVENTE RICHARDSON, D.D.

EDINBURGH

W. RICHARDSON, D.D.

INDEX

HONORANDO ET EXIMIO VIRO

JOANNI MURRAY

DE STROWAN;

PUBLICO AD REGNI COMITIA LEGATO:

NOBILISSIMI PRINCIPIS

JACOBI ATHOLIAE DUCIS

GENERO AC FRATERO FILIO:

ATALIBUS CLARO, SED CLARIORI VIRTUTIBUS:

ARTIUM LIBERALIUM,

SIVE IN OTIO, SIVE IN NEGOTIIS,

PATRONO :

MORUM ELEGANTIA VITAEQUE DIGNITATE

IMPRIMIS ILLUSTRIS:

HASCE SUORUM IN MEDICINA STUDIORUM

PRIMITIAS

CONSECRAT

CAROLUS RICHARDSON.

HONORANDO ET EXIMIO VIRO

JOHANNI MURRAY

DE STRONACH

PERITO AD REGNI COMITIA LEGATO

HONORABILISSIMO PRINCIPIS

JACOBI A THOLIAE DUCIS

GENERO AC FRATRIS FILIO

TALISUS CLARO, SED CLARIORIBUS VIRTUTIBUS

ACTUM LIBERALIUM

SIVE IN OTIO, SIVE IN NEGOTIIS

PATRONO

MORUM ELEGANTIA VITAEQUE DIGNITATE

INFINITIS ILLUSTRI

CLASSE REGUM IN MEDICINAE STUDIO

PERMITTAS

CONSECRAT

CAROLUS RICHARDSON

DISSERTATIO MEDICA

INAUGURALIS,

DE

MALO HYSTERICO.

OMNIUM morborum, quibus genus humanum exercetur, nullus frequentior, aut magis variat, quam iste, qui vulgo Hystericus dicitur. HOFFMANNUS malorum Cohortem eum adpellat; adeoque vix malum quicquam est, quin solerti imitamine simulare queat, ut summo saepe ingenii acumine, diligentissima observatione opus sit, si, haec aliis multis et diversam curationem requiring, discernere quis velit. Vix in duabus mulieribus eandem faciem induit, quin et in eadem saepe aliis temporibus alius quoque ejus vultus erit. Cum igitur hujus morbi omnia tam dissimilia, vaga et contraria sese ostendant, accessiones, ita nulla lege, ordine nullo fiant, ut ipse SYDENHAMUS, ad nullius formae constantis quicquam, redigere potuerit (a), historiam morbi perrexere ut difficillimum sit necesse est.

A

Hic

(a) Sydenham. Epist. ad G. Cole.

Hic morbus variis nominibus adpellatus est, a Graecis τσίπικη, γνιξ, η απνοια της υστέρας; a Romanis, Praefocatio seu Strangulatio uteri. Praeter haec, alia ab aliis scriptoribus, prout in opinionum et rationum de eo diversitate singuli fuerunt, ex occasione inventa sunt; qualia sunt, Perfrigeratio flatuosa, Syncope frigida, Epilepsia uterina, Affectus uterinus, Malum hystericum.

Quorum omnium aptam morbi significationem nullum exhibet. Nec facilis equidem, fateor, inventu vox est, et forsitan omnino nequit, quae tam incertam rem certiore nota distinguat. Nobis prae caeteris arridet HOFFMANIANUM illud, *spasmodicus convulsivus morbus*, cui adjectum *Hystericus* vocem velim, quo certius aliis hic morbis spasmodicis distinguatur.

SYMPTOMATUM ENUMERATIO.

PAULO ante accessionem, hebetari mulieris sensus, totum corpus molestia affici, solent, pallefcit vultus, idemque totus suffundi animi dolore videtur: tum frontem, tempora et oculos, dolor vehemens invadit, lacrimae effunduntur, tenebrae oculis objiciuntur, palpitat cor, pulsus arteriarum inaequalis, durus et intercifus. His succedunt, lumborum dolor, cum maximo totius corporis frigore: venter durescens, aut inflatur, aut constringitur; et, sive hoc, sive illud, factum est, umbilicus

umbilicus intro retrahitur : hypochondrion finistrum, regioque epigastrica quasi vi distenta percipiuntur : quorum distentio magis atque magis arctata in globum cogitur, isque sensim ad guttur aspirans mulierem prope strangulat. Hoc tempore arteriarum pulsus vix sentitur ; interrumpitur vox, crebrior spiritus fit, et pene supprimitur : quibus interdum malis antecedunt, ventris murmura, dolores cum certis locis contenti, tum per ventrem et partes musculosas passim vagantes, artuumque, invita muliere, protensiones et contractiones, iique totius corporis motus, quibus valentissimus robore vir sit impar componendis. Hæc omnia in somnum profundum desinunt ; quo mulier per aliquantum temporis, sensu motuque adempto, sepulta jacebit. Deinde post aliquam in morti simillimo hoc somno moram, gemitus graves et tardos reviviscens ducere ; sonare intestina incipere, aër e stomacho, e vagina ferofus aut sanguineus humor rejici ; recluduntur oculi, vultu rubor diffunditur, cum voce sensus redeunt, postremo omnia ad salutem quae sunt, signa jam apparent ; saepe tamen infirmæ et tanquam contusæ partes affectæ aliquamdiu post percipiuntur.

Semper aliqua pars capitis, in aliis frons, in aliis tempora, maxime autem occiput, afficitur. Premit vertigo, aurium tinnitus, molestique arteriarum temporum pulsus. Continetur saepe uno

aliquo capitis puncto dolor molestissimus, quem vomitus immanis haud raro comitatur. Dicitur hic *clavus hystericus*. Obfuscantur saepe oculi caligine, quibus musci quasi obvolitare videntur; vel ita arcte clausi sunt, ut recludi iterum vix possint; terribiles in modos iidem circumrotantur; simul horrendae voces tolluntur, et, tanquam dolor subesset, pectus aegra manu percutit. Saepe vultus subito rubescit, et calore non mediocri afficitur. Est ubi pallor et frigus pro prioris ratione rubedinis sequitur (a). Nonnunquam per aliquot dies saliva fluit; quin et dentium dolorem interdum morbus imitatur; nonnullis dentes stridunt, os spumescit, ut epilepsia correptis fit (b). Per raro tussis abest, quae convulsiva aliquando fit (c), cum tantis cordis palpitationibus, quanta ex intervallo aliquo exaudiantur. Spiritus varius est, pulsus arteriarum prope innumerabiles (d): nec in eadem muliere, etiamsi similia mala et tempora sunt, similes hi quoque inveniuntur. Nonnunquam fit, ut et spiritus et pulsus omnino cessent. Laboratur syncope, cardialgiis, feбри et vomitu violenti; utque in morbo, qui Cholera dicitur, materia specie inconstantissima per hunc rejicitur. Quod in verum aliquando icterum vertitur; quæ ubi fiunt, venter plerumque

(a) Astruc traite des malad. des femmes, vol. 4. p. 55.

(b) Hippocrat. Foessii de morb. mul. lib. 1. § 5. p. 157.

(c) Lieuteaud Precis, de la medicine pratique, p. 617.

(d) Astruc loc. citat. p. 57.

plerumque tactus manu durus est, et prominet. Fumi acidi et corrodescentes stomacho exhalantur, sic ut ipsos dentes inficiant, eoque magis, quo diutius morbus duraverit; iidem aliàs putentes observantur. Dolet vehementer abdomen, et quasi pulsare sentitur, nec in una aliqua parte, sed aliis post alias: alvus aliquando resoluta cum tenesmo urget: sed plerumque illa tamen obnixè durescit. In accessione, anus et rectum adeo contrahuntur, ut fistulam, qua liquor aliquis eo immitti solet, nequeant accipere. Aliquando renes, ureteres et vesica afficiuntur, ut omnia calculi mala simulentur: urina parca, difficillime, immani cum ardore, redditur; est ubi copiosa, et crysalli instar, pura mejitur; quod quidem SYDENHAMUS morbo proprium vel παθογνωμονικόν censuit. Eadem dolore et sedimento admodum variat. Crura, brachia, et digiti, nervorum resolutione et convulsionibus, subinde agitantur. Interdum aequè subito, ac in apoplexia fit, mente afflictæ privantur: verum, quod in apoplexia non fit, paulo ante accessionem, maxilla inferior convellitur (a). Operæ pretium est hanc observationem notare, quando a menstruorum humore intus retento morbus profectus est, quo tempore illa erumpere nituntur, multa corporis loca, magisque circa ventrem, pectus et cervices, cum dolore intumescere; quod eo usque aegram male habet, donec vel vena secetur,

(a) Lieuteaud *Precis, de la médecine pratique*, p. 618.

ceretur, vel sanguis, naturae consilio, per nares, pulmones, aut alias partes effluat: quo facto statim hoc incommodum evanescit. Miras ardoris et frigoris vices mulieres percurrunt, quorum hujus frequentissimus in tergo sensus est. Per accessionem plerumque aegra vehementi ardore aestuat, in horrorem et frigus mox fere desituro. Quin et mirum hoc in primis est, quod, quanquam toto corpore glaciei instar gelascente, pulsus non secus ac bene alicujus valentis rite se habet (a). Quandoque caput cum humeris ardent, mirum in modum reliquo corpore interim frigescente. Denique tanta est horum omnium varietas, ut dinumerari omnia prope nequeant. Nec animi affectiones quietiores sunt; cachinni tolluntur enormes, quos moestitia, sollicitudo et fletus, nulla apparente causa, sequuntur. Amor, odium, spes, desperatio, ex levissima quaque re, alternis vicibus sese excipiunt: adeo ut propositum tenere aegrotans, aut consilia sequi certa, nequeat.

Universas hujus morbi notas supra neque comprehendere, neque ordine quo se ostendunt, singulas persequi licuit: nec fieri hoc potuit; siquidem specie, numero, et diuturnitate, pro causis accessionum, singularum temperamentis, positura, et mobilitate partium, nunquam non variant.

QUID

(a) Sydenham. loc. citat.

QUID INSECTA CADAVERA DOCEANT.

DE GRAAFFIUS, cum alicujus hoc morbo peremptae cadaver incidisset, nullibi vitium, praeterquam quod cordis ventriculi praeter naturam sanguine coagulato distendebantur, invenit (a). Neque WILLISIUS quidem, nisi quod mesenterii laminae inter se junctas observavit (b). PANCREAS HIGHMORUS solum ulceratum se vidisse ait (c). Mesenterii venae turgescere et varicosae esse nonnunquam observantur (d). DE GRAAFFIUS in plurimis hoc morbo jugulatis universa viscera integra, et secundum naturam se habere comperit. Contra, cadavere alicujus hoc morbo extinctae inciso, innumerabiles glandulae schirrosae, figuris et magnitudine variae, et durae adeo ut cultro contra resisterint, per mesenterium in conspectum datae sunt; uterus, ovaria, vasaque spermatica, materie corrupta, lacti quod coit haud absimili, infarcta sunt (e). Virginis ovaria, RIOLANUS, palma longiora, materie serosa turgere, tubumque Fallopianum, quam pro natura multo esse majorem repperit (f). RIVERIUS, marito orbae cujusdam ovarium sinistrum parvo ovo magnitudine par,

(a) De succ. pancreat. cap. 9. ex Elsnero.

(b) Patholog. cerebr. cap. 6.

(c) Disquisit. anat.

(d) Guarinon. Conf. 484. Lud. Mercat. tom. 3. lib. 1. cap. 9.

(e) Mannaget. miscellan. curios. Amst. 1674.

(f) Anthropogh. 2. c. 32.

par, et nigro colore imbutum, conspexit, idemque cultro exploratum, nigrum quiddam gangrenosi specie intus continere (a). DIEMERBROECKIUS, pilae palmariae magnitudinem superans ovarium, in quo viscidum aliquid inerat, deprehendit. Idem, in aliis quoque ovariis, post necem incisis, fulvo croceove colore humorem offendit (b). Puellae variis malis hystericis extinctae, in cadavere, intestina crassa, parsque hepatis convexa livescere, vasa spermatica ejusdem viscido ceruleo referta esse, ovaria, et tubi Fallopiiani, materia, variis coloribus, et crassitudine quoque varia, incredibilem in modum distendi, uterus perparvus esse, deprehensa sunt (c).

CAUSAE PROCATARTICAE.

Morbum efficiunt, animus vehementius aut diutius in aliquid intentus, vel moerore (d), ira (e), aliisve affectibus commotus (f); luxuria, immodicus cibi et potionis, maxime vinosae, seu, quod vulgo dicitur, spirituosae, usus; cibi crudi et inflantes, acida liberius justo assumpta, magis si vitae genus
iners

(a) Cent. 1. obs. 60.

(b) Anat. lib. 1. cap. 23.

(c) Bonetus sepulchret. anat. v. 3. p. 48.

(d) Plateri obs. lib. 1. p. 190.

(e) Fred. Hoffmann. consult. et respons. med. cent. 2 et 3. sect. 3. cas. 51. p. 234. Forestus, lib. 28. obs. 28. v. 3.

(f) Id. vol. 3. sect. 1. cap. 5. p. 54 et 59.

iners nec actuosum est ; jejunia (*a*), vomitus violentes, alvus ultra modum effusa, insolita fatigatio (*b*), venus nimia vel nulla, (*c*), menstruorum, five major five minor iusto fluxus, vel hic totus retentus, (*d*) fluxus lochiorum (*e*) vel haemorrhoidum (*f*), e quacunque re, praesertim subita aliqua, sicut iis quae adstringunt (*g*), vel per frigus retentus (*h*) ; abdomen nimis compressum (*i*) : accedunt denique partus in alvo elusus, difficilis pariendi labor, aër calidior humidiorve. Postremo, quicquid vel nimiam sensilitatem accersit, vel, ut humorum copia inutilis ad partes naturales derivetur, facit, vel excretiones naturales ullo modo impedit, hujus morbi jacere semen potest.

Ab hoc loco non alienum est supra memoratis addere, languidas et pituitosas natura mulieres in aequae acerbis accessiones non incidere ac eae quae irritabiliores sunt, et pleniorum habitum habent ; eadem tamen deliquiis frequentibus opportuniores, levissimae cujusque rei strepitus, aut sua-

B

vis

(*a*) Sydenham. loc. supr. citat.

(*b*) Hippocrat. lib. 1. sect. 5. p. 157.

(*c*) Id. loc. ult. citat.

(*d*) Id. Aphor. 57. lib. 5.

(*e*) Hoffman. v. 3. sect. 1. cap. 5. obs. 7. p. 61.

(*f*) Id. cap. 6. obs. 11.

(*g*) Id. consult. et respons. med. cas. 99. p. 226.

(*h*) Juncker. conspect. med. p. 195.

(*i*) Id. p. 330.

vis alicujus odoris, impatientes esse consueverunt (a).

QUIBUS ANNI TEMPORIBUS INGRUAT.

OMNIBUS hic morbus temporibus ingruit, magis vero hiemali vel autumnali (b); humidis ac frigidis tempestatibus, saevientibus magis omnibus *συμπλομασι*, fere revertitur; magis si calidi ficci-que dies aliquanto ante fuerunt (c), multae in eum sine ulla manifesta causa incidunt; aestate optime se habent.

QUARE MULIERIBUS FAMILIARIOR SIT MORBUS QUAM VIRIS.

MULIERES imbecilliore corpore esse quam viros, e cutis illarum mollitie, et solidarum partium elasticitate minori, adparet (d); unde Hippocrates humidiori eas temperamento esse (e), partesque humidas magis abundare (f) opinatus est; quam opinionem experimenta probarunt (g): incisus enim corporibus, musculos muliebres graciliores, plus adipis fibris passim interspersum, ossa leviora et minus densata, quotidie videre est: quo citius ad adultam aetatem ab iis pervenitur, cum molliora earum

(a) Fred. Hoffman. vol. 3. sect. 1. cap. 5. p. 52.

(b) Nic. Piso, de morb. cognosc. et curand. v. 2. p. 327.

(c) Avicenna, v. 1. lib. 3. p. 943.

(d) Hippocr. chart. de morb. mul. lib. 1. v. 7. p. 729.

(e) Id. natur. pueror. f. 6.

(f) Id. de gland. f. 11.

(g) Hales haemastat. p. 12.

rum vasa et explicabiliora sint (*a*); ad haec minus perspirant (*b*), et arteriae earum imbecillius et languidius pulsant (*c*).

S E D E S M O R B I.

QUIBUS ex observationibus disci potest, muliebrem habitum virili infirmiore et in plenitudinem procliviorē esse: quod utrumque, inertia et desidia, huic sexui communia vitia, consuetudine auctum, confirmant: omissis exercitationibus, humores per vasa, praecipue abdominis, tardius feruntur; motus intestinorum peristalticus debilitatur: agitatio, chylo in boni sanguinis naturam mutando necessaria, deficit; eorum quae debent minus fecernitur, quorum et proprietates in pejus eunt, ut minus etiam excernatur. Quae omnia, si animi affectiones et perturbationes, quibus opportuniore mulieres quam viri sunt (*d*), accedunt, imperfectae ciborum concoctionis pravae effectus, languidiorem humorum circuitum, nimiamque, cum reliqui corporis, tum maxime primarum viarum mobilitatem, ducent. Has autem, saepe in mulieribus, semper in viris, morbi sedes esse, eo judicamus, quod adeo sensiles sint, et cum universo corpore consentiant: quos earum sensus et consensus probant cordis palpitationes, pulsus arteriarum

B 2

(*a*) Boerhaav. de vir. med. cap. 13.

(*b*) Sanctor. sect. 3. aphor. 72.

(*c*) Galen. de causa pulsuum, 3. 5.

(*d*) Bagliv. prax. med. lib. 1. p. 134.

arum inaequalis, sudores frigidi, delirium, corpus convulsum atque animus deficiens, graves ventriculi dolores et inflammationes (a) sequi consueta. Haec tamen e levissimis causis nonnunquam oriuntur (b); ipse anxietatem, vomitum, frigidosque sudores, pene statim ex inciso leviori plaga digito, vel si ulcus aliquod cruris (d) casu irritatum est, vidi supervenire: quibus similia, ubi acre aliquid per anum immissum est, ubi intestina doluerunt, aut lumbrici tenuem intestinorum tunicam irritarunt, similes quoque sensus indicant.

Videmus igitur canalem alimentarium acutissimis esse sensibus praeditum; idem, per inexplicabilem haecenus cum universo corpore consensum, in motus immanes partes etiam maxime diffusas conjicere saepe valet, et ab iisdem his invicem affici potest; quo fit, ut aptissimus sit hic locus ubi morbus infinitam prope malorum seriem complexus, et universum corpus male afficiens, sedes suas collocet. Has autem sedes esse, hinc principia morbi, evincunt, anxietas, nausea, vomitus, syncope, ventris murmura, et hoc genus alia, accessionibus

(a) Forestus de stomach. affect. tom. 1. lib. 18. obs. 21. p. 301. Medical Essays, vol. 1. art. 29.

(b) Forestus simile huic aliquid ex lacte in ventriculo coeunte memorat, loc. sup. cit. Videbis et aliud ab irritato in oesophago tumore, Med. Ess. vol. 1. art. 28.

(c) Consensum hunc ventriculi cum reliquis corporis partibus, etiam probant motus toto corpore ab opiatibus aliisque venenis excitati. Vide Wepfer. de cicut. aquat.

tionibus fere nunquam non praeëuntia. Contra obijciatur, “accessiones aliquando a partibus ab intestinis et ventriculo remotis incipere, cumque illa quiescere, et affectu omni immunia esse videantur, ab iis morbi causam non esse petendam.” Sed futile hoc argumentum est; siquidem et affici locus aliquis, et affectus latere potest. Nonne enim graves dolores ab oneratis stercore intestinis, aut stomachi affectibus, ad caput saepe adspirant, neque in locis primum affectis ulla tamen molestia sentitur?

Tametsi hujus morbi, in ventriculo vel intestinis, nullo discrimine, principia collocavi, tamen frequentius et gravius his affici ille observatur, qui quidem suae conformationis proprium aliquid habet, quo prae caeteris fit, tum huic tum aliis morbis, ad se recipiendis idoneus. Nonne varia et dissidentia hic symptomata ad alias aliorum corporum constitutiones, sive *διασυνκрасεις*, referenda videntur? Nonne etiam reliquas partes, si caetera paria sunt, ut aiunt, magis aut minus afficiuntur, prout diathesis hysterica, si voce uti liceat, major aut minor contigit.

ALTERA MORBI SEDES.

IN alteram nunc morbi originem male affectum, uti nobis videtur, utrum, demum inquirendum est. Ut canalis alimentarius, ita hic quoque in-

signi

signi sensibilitate pollet, similiterque cum reliquo corpore consentit.

Hi uteri sensus non solum ex fabrica ejus spongiosa, intertextis numerosis vasis sanguineis et nervis, patent; verum etiam ex exquisitis doloribus et aerumnis, quas ei infert inepta inter pariendum tractatio. Consensum ejusdem cum toto corpore probant vomitus, convulsiones, et similia, quae inflammato nasci utero (*a*) notum est, universorum artuum languor, cibi fastidium, artuum delassatio, capitis, dorfi, et lumborum dolor, mulieribus, inter postque menstruorum fluxum, consueta; porro anxietas, spirandi difficultas, cordis palpitationes, syncope, vertigo; postremo, convulsiones, retentis menstruis, saevientia.

Neque enim haec mala ad totius corporis plenioris habitum referenda judico:

Primum, quia sanguis corpore excretus iisdem proprietatibus pollet, quibus intus retentus (*b*)

Deinde, quia mala, de quibus supra comprehensum est, ex abundantia boni sanguinis minime oriuntur.

Tertio,

(*a*) Vid. Paul. Aeginet. lib. 3. cap. 64. et Joannis Varandaei de morb. mul. lib. 3. p. 142.

(*b*) Friend. Emmenolog. cap. 2. p. 60. Haller. prim. Physiolog. p. 335.

Tertio, quod eae quibus menstrua omnino occlusa sunt, quo tempore haec fluere debent, in utero, eique vicinis partibus, magna molestia affici solent, quae absque ulla inanitione manifesta protinus evanescit (a).

Denique, quod ante hunc fluxum, vel etiam in ipso fluendi tempore, secta vena, largiorique, quam in sana aliqua unquam factum est, copia sanguinis emissa, tamen suo tempore, et solita saepe copia, menstruorum humor erumpit.

Postremo, quod, ut longo medendi usu edocti viri observarunt, mulieribus ad extremum imbecillitatis et inanitatis, veterantibus morbis, reductis, haec excretio saepe neque defuit, neque suas leges non secuta est (b).

Unde symptomata modo memorata, ex affectibus uteri cum corpore per consensum communicatis, orta esse conjicio, atque ex iisdem hujus morbi malorum principium esse petendum; quam conjecturam veresimillimam haec reddent.

Virgines

(a) Hippocrat. Foessii, lib. 1. p. 589.

(b) Ramazinus monacham memorat decem annorum morbo labefactam, lectoque affixam, cui tamen menstrua naturae legibus paruit. De morb. artificum, cap. 19.

Virgines pubescentes, si menstruis primum fluxuris a vi aliqua contra resistitur (*a*), aut quavis aetate mulieres, quibus difficile admodum illa erumpunt, gravissimis hujus morbi accessionibus saepe torquentur (*b*); haeque ipsae tum demum acerbissimae fiunt, cum ejicere cohibitum humorem natura nititur (*c*): Contra, si quando mala Hysterica sunt, neque peccatur in menstruis, mitiora illa esse nunquam non observantur (*d*).

Sed et acrium humorum effluxio, qualis est fluor albus, qui dicitur, vel mola in pus abiens (*e*), vel conclusum utero aliud quidvis, eumque irritans, affectibus Hystericis occasionem saepe dederunt (*f*).

Ad haec uterus cum vagina, adveniente jam accessione, vehementer agitantur. Ipsa mulier contrahi illum, in longitudinem tendi, et ab altero latere ad alterum moveri percipit (*g*). Interdum

(*a*) Astruc, loc. citat. p. 65.

(*b*) Hoffman. loc. ult. citat. p. 54.

(*c*) Hippocrat. Foessij, de morb. mulier. lib. 1. § v. p. 158.

(*d*) Joannis Varandaei, loc. supra citat. p. 112.

(*e*) Maureceau maladies des femmes grosses, liv. 3. cap. 21. Boerhaav. de morbis nervorum, v. 2. p. 847.

(*f*) Joannis Varandaei, loc. citat. Casper Bauhini, theatr. anat. lib. 1. c. 39.

(*g*) Astruc, loc. citat. p. 64. Joannis Varandaei, loc. citat. p. 116.

terdum dolor fatis acutus accedit. Observatumque est positurae uteri prorsus mutatae notas non ambiguas non defuisse (a).

Porro ubi hic morbus post partum aliquam adgreditur, ab interno uteri vel vaginae ore incipere solet convulsio (b). Denique soluta accessione ferofus sanguis (c) semper, interdum putens (d) humor, per vaginam effluit.

Postremo venus efficacissimum morbi auxilium, (e), qua, ut quaeque maxime religionis nomine, abstinuit, ita affectibus Hystericis opportuna maxime fuit (f); atque hoc iis etiam magis usu venit, quae signa deae olim sequi solitae transfugae tandem deseruerunt. Unde fit ut viris orbatae proniores in hanc pestem quam aliae sint (g).

Igitur ex omnibus, de quibus disputatum est, muliebria corpora sensiliora et irritabiliora, ac
C proinde

(a) Nic. Pifo, de morb. cognoscend. et curand. lib. 3. p. 324.

(b) Fred. Hoffman. loc. ult. citat. p. 53.

(c) Capp. Aretaeus, de causis et sign. morb. acut. lib. 2. cap. xi. Galen. comment. in Hippocrat. lib. vi. de locis affect. c. v. Lomius, observ. med. lib. 2. p. 281. Astruc loc. citat. p. 55.

(d) Fred. Hoffman. loc. citat. obs. 7.

(e) Haec opinio ubique constat inter auctores.

(f) Maureceau, loc. citat.

(g) Nic. Pifo, loc. citat. p. 322. Rodericus a Castro, de morb. mul. lib. 2. p. 154.

proinde imbecilliora quam virilia esse, apparent. Atque, omiſſa uteri ratione, in affectus Hyſtericos ut procliviores eadem ſint, neceſſe eſt. Quod ſi et uteri ratio habeatur, et duplex cauſa concurrat, mirumne alicui erit, ſi facilior etiam ad eas quam ad viros, ruenti peſti ſit aditus?

DIAGNOSIS.

QUAM incertae ſint huius morbi notae omnes, quamque aliis ei diſtinguendo parum ſufficiant, ex hiſtoria ante deſcripta patet. Tot in facies ſe vertit, tot vultus induit, tot diverſorum malorum perſonam ſumit, ut ſaepe experientia, cum acris medici ſagacitate, priorque vitae generis et corporis habitus notitia, hoc inter et alia plurima mala ſolum diſcernere queant. Deſunt omnia ſigna *παθολογονικα*, quae dicuntur; ipſeque SYDENHAMUS dormitabat, cum urinam limpidaſ hyſtericis malis propriam eſſe, aliis alienam, et pro certiffimo illorum ſigno habendam, affirmaret. Neque enim malis hyſtericis talis urina propria eſt, neque, ut antea eſt dictum, in iſdem hiſ ſemper invenitur.

Quibus prae caeteris dignoſci morbus poteſt, haec ſunt: Globus hyſtericus, et ante acceſſiones, cum aliae animi affectiones, tum maxime metus; accedunt, ipſa affectuum omnium diverſitas, ſubitusque eorum ab aliis ad alia loca tranſitus.

Proximum nunc est affectuum hujus morbi singulorum rationes proponere ; quod tamen duplici causa censui omittendum : ne hic sermo, quem ab initio intra levioris opusculi modestos limites coërcere propositum est, in immodicam longitudinem procedens turgeat ; neve explicandi studio in obscura provectus, obscuriora turpiter relinquam. Subtilium enim corporis nostri partium fabrica, modusque, quo corpus et animus, nervorum ope, in se mutuo agant, adeo incerta et incognita nobis sunt, ut quibuscumque rationibus evolvi posse non videantur. Quod si neque rationibus nullo experimento firmatis credi oportet, et hic experimenta defunt ; contra, si plurima conatibus nostris ubique officiunt, spes fallunt, et intra optatam consistere metam cogunt, nonne in Baglivianum illud cogi videmur ? “ Latet, aeternumque latebit, minima illa ac subtilis, non solum a sensibus, sed ab humanae mentis acie prorsus remota, solidarum aequae ac fluidarum corporis viventis partium textura.”

P R O G N O S I S.

Hic morbus minus periculi quam terroris habet (a). Pro vi et numero affectuum in eo sese ostendentium, et prout accessiones frequentiores aut diuturniores sunt, ita de eventu judicandum

C 2

est.

(a) Diuturnus quidem affectus est, minime tamen lethalis, Hippocrat. lib. de affect. § 5.

est. Supervacanei laboris esset, quando in praecipite stet afflicta, quando in tuto magis versetur, percurrere : siquidem ex historia morbi periculi et salutis modum colligi licebit. Unam hanc tantum observationem proponam ; quamdiu cordis et pulmonum actio manet, non esse metuendum ; in maximo periculo eas versari, quae gravidae, aut partu nuper levatae, in accessiones inciderunt ; ubi canceri uteri aut ejus appendicum, vel ulcera aut tumores, morbum effecerunt, malum etiam est.

CURATIO facilior in junioribus quam in senibus ; in his etiam difficilior, si ad senectutis incommoda deterior corporis habitus accessit. Contra, illae ex levi aliqua vitae generis mutatione sanantur (a). Si ante pubescentes annos affectus hysterici fuerunt (b), menstruis jam primum erumpentibus, ferre evanescunt, modo illae libere et nullo negotio fluant. Ubi iidem ex parentibus traditi saeviunt, aut ex leviori quaque re, cum tolli jam debuerint, recurrunt, triste et insanabile hoc genus habetur (c). Sunt quae in ipsa accessione pereunt, eae potissimum, quae imbecilliores corporis habitum habent, quaeve inter aegritudinem male curatae sunt. Hae autem accessione epileptica aut apoplectica strangulari solent (d).

RATIO

(a) Juncker. conspect. med. p. 331.

(b) Hippocrat. coac. praenot.

(c) Astruc loc. citat. p. 103.

(d) Hoffman. loc. citat. p. 55.

R A T I O M E D E N D I.

TRIPLEX medendi ratio est.

Primum, Casus morbum excitantes vitandi.

Deinde, Instantia mala levanda, accessionesque tollendae.

Tertio, Inter singulas has corporis mobilitas demenda est.

Casus morbum efficientes qui sint, jam antea dictum est.

Protinus igitur ad secundam curandi rationis partem adgredior. Hic autem, si plenius corpus est, aut praeter naturam aliqua intus retenta morbum fecerunt, ante omnia sanguinem mitti oportet (*a*): quod tamen aliis omnibus temporibus nocere consuevit: quin et exitiale interdum idem hoc remedium fuit (*b*); siquidem in praesens tantummodo tempus mulier levatur, corpus autem debilitatur, morbusque laeso sic habitui certius

(*a*) Secari in talo vena plerumque solet ab iis qui in usu medendi versantur; magis si menstruorum humor parum fluit.

(*b*) Sydenham. loc. citat.

tius inhaerescit (*a*) ; adeoque in ipsis iis, quibus plenius est corpus, cavendum est, ne saepius iusto vena secetur : nam sanguinis perdendi consuetudo leviora quidem mala facit, sed accessiones crebriores et graviores utique reddit.

Verum si instantium omnium pestis mitti sanguinem omnino cogit, quo tempore deficiens corporis robur vetat, eliciendus is paulatim est, vel fugentibus hirudinibus, vel, ut CELSUS praecipit, cucurbitis admotis (*b*). Ubi vena neque secari debet, neque secta profuit, irritandi nervi sunt, pluribus corporis locis aqua frigida sparsis (*c*), pedibusque eadem levatis : per anum immitti debent, ruta, camomelum, et similia, quibus multum olei blandi sit adjectum ; praecordia et artus extremi perfricari (*d*) ; naribus odorem gravem spirantia admoveri : Hujusmodi sunt, assa foetida, oleum cornu cervi, sal volatilis ammoniacus, panmus aceto acri tincta, plumae combustae, vel lucernae modo extinctae halitus (*e*), donec expergefacta sit, vel sternutatio cieatur (*f*). Quod si post omnia haec accessio adhuc manet, proxima cura est, ut per acria cataplasmata (*g*), vel foetidis emplastris

(*a*) Hoffman. loc. ult. citat. p. 55. Lieuteaud, loc. citat. p. 620.

(*b*) De med. cap. 20. lib. 4. p. 232.

(*c*) Hippocrat. epidem. 5.

(*d*) Hoffman. loc. ult. citat. p. 57.

(*e*) Celsus, loc. ult. citat. p. 233.

(*f*) Hippocrat. aphor. 35. § 5. Astruc, loc. cit. p. 109.

(*g*) Astruc, loc. citat. p. 117.

plastris (a) abdomini aut cavis pedibus impositis, excitetur. Nicotiani fumos, si a cessantibus, vel pertinaciter retentis menstruis, morbus ortus est, in uterum immitti quoque oportet. Nonnunquam convulsionibus et vomitibus ita gravibus mulieres torquentur, ut ad opiata fugere necesse sit; quae, nisi haec necessitas urget, post debitam inanitionem, solum dari convenit.

Restat nunc, ut de tertia medendi rationis parte verba faciam. Haec a leni vomitu (b), per ipecacuanum, carduum benedictum, vel camomelum, excitato, recte incipi posse videtur; eoque magis, si sub accessionis tempore opiatorum necessitas fuit (c). Hac ratione, in stomacho et intestinis sordes semper abundantes rejici possunt. Porro, cum ad ultimas corporis partes eorum vis penetret, quicquid vel perspirationem, vel aliud quidvis excerni debitum, impedit, id sic citatus vomitus tollit; cujus quidem utilitatem, cum in hoc morbo, tum in omni nervorum resolutionis genere, experientia docet (d). Post vomitum, aliquid, quod et purgat et roborat, ut tinctura rhaei amara vinosa, tinctura sacra, aut simile aliquid,

(a) Forrestus, lib. 28. obs. 34.

(b) Acriter purgantia omnia fugienda; siquidem graves saepe motus excitant. Hoffman. loc. ult. citat. p. 56. Liez-teaud, loc. citat. p. 621.

(c) Hoffman. loc. ult. citat. p. 56.

(d) Cheyne on the English Malady, p. 207.

quid, recte datur : quo facto, et tuto et prospere uti opiatu licebit. Nec liberior tamen eorum usus utilis est ; quoniam, ut minus profint, nisi portionibus usque auctis, vel brevis consuetudo efficit ; nec sine magno malo ponere, quo tempore velis, post longiorem usum, eadem licebit.

Proximum nunc est, quicquid vel impedit, vel omnino menstrua occludit, ejus tollendi proponere rationem. Si vel in uteri vasa sanguis languidius influxit, vel illorum extrema nimis contracta sunt, unde vi a tergo sanguinem citanti, nimis quoque contra resistitur, utrumque enim fieri potest, prout haec aut illa causa fuit, ita diversa sequenda curandi ratio est. Si sanguis languidius in uterum influit, citandus is primum est : huic consilio aloë, parvae mercurii dulcis portiones (a), concussus electricus (b), elleborus niger (c), gummi foetida (d), potissimum conveniunt : prodest etiam balneum, et arteriarum crurum, solenni menstruorum tempore, compressio : atque hoc sane tempus est, quo maxime naturae sit succurrendum ;

(a) Astruc loc. supr. citat.

(b) De Haen, rat. medend. p. 239.

(c) Hunc nunquam non profuisse pro emenagogo datum testatur Mead. Cochleare parvum hujus tincturae, bis die, in aquae calidae cyatho, dare consuevit. Monit. med. cap. 19.

(d) Plenior habitum habentibus aloën gummiue resinosae nocere credidit Hoffmannus, loc. modo cit. p. 56-7.

dum ; aliis temporibus alienus omnis fere curandi labor est.

Si uteri vasa constricta, et nimis sanguini resistentia menstruis offecerunt, resolvi illa simul debent, tepidi lactis aquaeque halitibus extrinsecus adhibitis, vel ipsa illa in uterum intro immitti ; non inutile est, atque per anum insinuari emolientes clysteres oportet (a). Ubi cessantium hemorrhoidum soboles morbus est, eadem praestanda sunt, et praeter haec, sulphuris usu facilis alvus servanda ; acriter purgantia vitanda, fugentibus hirudinibus, sanguis per anum eliciendus ; unde saepe fit, ut justus fluxus restituatur (b).

Nunc demum ad id perventum est, quod propius ad curationem pertinet. Ventriculi et intestinorum tonum roborant, et horum nimiam irritabilitatem tollunt, tum opiata caute data, chalybs, folia aurantiorum (c), tum alia firmantia et antispasmodica. Verum si jam alicui morbus asuevit, certior curandi ratio nulla est, quam ut, illis omissis, ad solitum vitae genus afflictæ redeat, et has tamen leges observet (d).

D

Victus

(a) Si omnes conatus in reducendis menstruis frustra sunt, per fonticulos arte factos tentandum auxilium est.

(b) Hoffman. consult. et respons. med. cent. 2 et 3. sect. 3. cas. 43. p. 224.

(c) Observat. Pract. Maximiliani Locher. p. 45.

(d) Hoffman. loc. ult. citat. cas. 43.

Viſtus ejus generis eſſe debet, quod quam maxime alit, facillime concoquitur, et inflammationibus minime opportunum eſt; cibi non multum ſimul (a), ſed ſaepius ſumi. Ita enim fiet, ut et facilius, et perfectius is in ſanguinem mutetur, malaeque diſteſtionis incommodis occurratur.

Aqua vel pura, vel certis ei rebus natura mixtis, caſſe et vina, potui danda ſunt. Aqua frigida optime cibum digerit; optime humorum ſervat tenuitatem. Eadem ante ſomnum pota, cum putens aut acidum quidvis ventriculo forte concluſum dilutum abluat, quietem per noctem conciliabit, et una vel altera ante jentaculum hora, ſi iterum fuerit aſſumpta, cibi adpetitum acuet. Aquae, cui alias res natura immiſcuit, iidem ſunt affectus; et praeter hos, menſtruorum fluxum et potenter regit (b), et animi languorem hujus morbi toties comitem tollit (c). Saepe hyſtericis in vitiis caput dolet, magisque poſt cibum, quia debilior ventriculi tonus eſt, quam ut concoctio rite procedat, ſub hoc caſu efficax medicina caſſe eſt, et plerisque etiam grata (d).

Vinum

(a) Impura corpora, quo magis nutriveris, eo magis laedas. Hippocrat. aphor. lib. 2. ſect. 2.

(b) Hoffman. v. 3. ſect. 1. cap. v. p. 56.

(c) Cheyne, loc. citat. p. 210.

(d) Cum ſtomachus valde debilis ſit, tribus poſt prandium horis, dolore capitis, gravitate, moerore, vexari incipio, quae

Vinum rarius datur, quod tamen in paucis sane morbis magis desideratur, utiliufve dari, quam in hoc, potest, maxime, si qua ei non multum affuevit. Saepe Sydenhamus profuisse vinum comperit. (a). Fullerus, cuidam mulieri accessiones pertinaciter diuturnas, frustra aliis medicamentis curatas, per hoc sanatas ostendit (b). Idem rite ministratum et ventriculum et intestina roborat et hilares animos facit. Hoc consilio, ex eodem genere, quae roborant et optime fermentata sunt, aliquid eligendum est, ne turbas in ventriculo jam ultro iis obnoxio molestas forte excitet.

Si horum omnium nihil profecit, vehementes et subitae animi perturbationes, ultimum auxilium, sollicitandi sunt; his enim Epilepsias (c), et alios nervorum morbos sublatos fuisse constat; quin et ipse hic, de quo agitur, morbus, aliis re-

D 2

bus

quae quoniam a stomacho male digerente fiunt, duos vel tres caffè cyathos haurio, et momento temporis, ac fere ad miraculum a malis praedictis me statim libero. Bagliv. Prax. med. lib. 1. p. 76.

(a) Sydenham. loc. citat.

(b) Medicin. Gymnast. p. 131.

(c) Barthol. hist. anat. rarior, c. iii. hist. xli. miscell. ac nat. curios. d. 11. ann. ix. obs. clxxxix. d. 111. ann. ix. x. obs. lvij.

bus frustra tentatis, simili rationi aliquando cessit (d).

In summum tamen, vix ulla spes in sola medicina posita est. Levare ea quidem pro tempore solet, non etiam sanare. Si quam quis persanare velit, ad exercitationem fugiendum est. Sola haec perpetuo prope auxilio est (a). Utilissima equitatio est; verum si agitari prae imbecillitate mulier nequit, aliquanto ante ambulare et perfricari eam oportet, vel per levem planitiem vehi; prius quoque vehi et perfricari, quam in frigidam aquam descendere (b). Sic enim, si qua admodum infirma est, eam aqua frigida, alias nocitura, juvat. Neve exercitationum taedium aegras capiat, eae quam maxime variare debent; "Nam
" levat lassitudinem etiam laboris mutatio; eum-
" que, quem novum genus cujusdam laboris pres-
" sit, id quod in consuetudine est, reficit (c)." Exercitationis autem plerumque finis esse debet sudor, aut certe lassitudo, quae citra fatigationem sit (d).

Postremo,

(a) L'histor. de l'acad. des sciences, 1752.

(b) Sufficiens labor, et humectatio corporis, plus valent, quam universus medicationis apparatus, optima licet methodo institutus. Junker. conspect. medicin. p. 334.

(c) Fuller. loc. citat. p. 142.

(d) Celsus, loc. citat. cap. 3. p. 26.

(e) Id. cap. 2. p. 23.

Postremo, cum aliis hominibus alia corporis constitutio sit, magisque etiam foeminis (a), ratio curandi aequae varia sequenda est, idem in aliis mulieribus non semper auxilio erit, nec in eadem, aliis temporibus. Prius igitur quam quis ad curationem se accingat, mulieris constitutionem, vitae genus, et similia alia, scire oportet. Semperque hoc servare, si prava quaevis consuetudo morbum effecit, eam non subito, sed paulatim esse vincendam (b). In excitantes etiam morbum causas inquirendum est, videndumque, gravesne animi motus agitatam aliquando mulierem torserint, quibus nihil proclivius vel excitat, vel excitatum alit morbum, aut curationem magis impedit. Quocirca omnibus modis hilaris et placatus animus, quod quidem per se ad sanationem morborum magnopere pertinet (c), reddi debet; injucunda et molesta omnia ablegari, gaudia eaque varia, agitari; ne eadem semper objecta fastidium tandem moveant: quapropter, potius per regionem voluptuaria

(a) Hippocrates, enumeratis temperamentorum mulierum varietatibus, ait, "Eum autem, qui haec recte tractare
"volet, mulierum naturas, et temporum opportunitates, et
"aetates, et anni tempestates, et loca, et ventos, semper
"dignoscere oportet." Foessii, p. 204, 5.

(b) Cum quis aliquid volet mutare, paulatim debet assuescere. Celsus, loc. citat. cap. 3. p. 25.

(c) Cappod. Arctaeus, lib. 1. de caus. et sig. morb. diuturn. p. 57.

ria varietate amoenam, quam per notam, eoque minus gratam, eundum est.

Aër apertus, purus et ficcus, quantum fieri possit, trahendus, quippe qui sanationem multum expedit; eoque magis, quo imbecillior adhuc mulier est. Nam ut vetus HIPPOCRATES olim observavit, “ Aër in omnibus quae corpori accidunt, maximus est et auctor et dominus, cuius potentiam diligenter perspicere oportet (a).”

Jamque restat, ut praeceptoribus meis celeberrimis propter labores in me collatos gratias agam. Nae ego me olim felicem fuisse existimabo, quod viros tam graves et doctos per sex annorum spatium audiverim, quodque horum sub auspiciis, tantum temporis medicinae studiis dederim.

(a) Lib. de flatibus. § 4.

F I N I S.

E R R A T A.

P. 7. l. 8. pro, inter se junctas, lege, inter se sejunctas. P. 8. l. ult. not. pro, Id. leg. Hoff. P. 13. l. 23. del. punct. et add. ?. P. 14. l. 12. pro, postque, leg. anteaque. P. 22. l. 18 et 19. pro, panmus, leg. pannus. P. 26. l. 2 et 3. pro, inflammationibus, leg. inflationibus. P. 28. lin. 1. not. pro, (a) leg. (d) l. 3. ib. pro (b) leg. (a) l. 5. ib. pro (c) leg. (b) l. 6. ib. pro (d) leg. (c) l. ult. ib. pro (e) leg. (d). P. 29. not. l. penult. pro, Arctaeus, leg. Aretaeus.